



গণপ্রজাতন্ত্রী বাংলাদেশ সরকার

তথ্য অধিদফতর



PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর- ০২৬

বঙ্গবন্ধুর ৪৮-তম শাহাদত বার্ষিকী ও জাতীয় শোক দিবসে জেলা প্রশাসনের ব্যাপক কর্মসূচি

রাজশাহী, ২৯ শ্রাবণ (১৩ আগস্ট):

আগামী মঙ্গলবার ১৫ আগস্ট জাতীয় শোক দিবস ও বঙ্গবন্ধু শেখ মুজিবুর রহমানের ৪৮-তম শাহাদত বার্ষিকী। ১৯৭৫ সালের ১৫ আগস্ট এক কালো রাতে ঘাতকের হাতে নির্মমভাবে নিহত হন বঙ্গবন্ধু ও তাঁর পরিবারের সদস্যরা। যথাযোগ্য মর্যাদা ও ভাবগাম্ভীর্যের সঙ্গে স্বাধীনতার মহান ছপতি জাতির পিতা বঙ্গবন্ধু শেখ মুজিবুর রহমানের ৪৮-তম শাহাদাত বার্ষিকী ও জাতীয় শোক দিবস পালনের লক্ষ্যে রাজশাহী জেলা প্রশাসন ব্যাপক কর্মসূচি গ্রহণ করেছে।

১৫ আগস্ট সূর্যোদয়ের সঙ্গে সঙ্গে সকল সরকারি, আধা-সরকারি, স্বায়ত্তশাসিত প্রতিষ্ঠান, শিক্ষাপ্রতিষ্ঠান ও বেসরকারি ভবনসমূহে জাতীয় পতাকা অর্ধনমিতভাবে উত্তোলন করা হবে।

সকাল নয়টায় বঙ্গবন্ধু চত্বরে (সিএন্ডবি মোড়) স্বাধীনতার মহান ছপতি জাতির পিতা বঙ্গবন্ধু শেখ মুজিবুর রহমানের প্রতিকৃতিতে পুষ্পস্তবক অর্পণ করা হবে।

সকাল সাড়ে নয়টায় বঙ্গবন্ধু চত্বর থেকে একটি শোক র্যালি বের হয়ে জেলা শিল্পকলা একাডেমিতে গিয়ে শেষ হবে।

সকাল দশটায় জেলা শিল্পকলা একাডেমি মিলনায়তনে 'বঙ্গবন্ধু ও বাংলাদেশ' শীর্ষক আলোচনা সভা অনুষ্ঠিত হবে। বেলা বারোটায় একই স্থানে বঙ্গবন্ধু ও মুক্তিযুদ্ধভিত্তিক সাংস্কৃতিক প্রতিযোগিতার বিজয়ীদের পুরস্কার বিতরণ করা হবে এবং বিকাল পাঁচটায় জেলা শিল্পকলা একাডেমি মিলনায়তনে 'হে পিতা তোমায় নিয়ে কবিতা' শীর্ষক কবিতা আলোচনা অনুষ্ঠিত হবে।

সুবিধামত সময়ে মসজিদে (বাদ যোহর বিশেষ মোনাজাত) এবং মন্দির, গীর্জা, প্যাগোডা ও অন্যান্য ধর্মীয় প্রতিষ্ঠানে বিশেষ মোনাজাত ও প্রার্থনা করা হবে।

এদিন সুবিধামত সময়ে ইসলামিক ফাউন্ডেশন, শিশু সনদ, ছোটমনি নিবাস, শিশু বিকাশ কেন্দ্র, প্রতিবন্ধী ফাউন্ডেশন স্কুল, এতিমখানায় পবিত্র কোরআন তিলাওয়াত, জাতির পিতা বঙ্গবন্ধু শেখ মুজিবুর রহমানের জীবন ও কর্মের উপর আলোচনা সভা, হামদ-নাত পরিবেশন, মিলাদ মাহফিল, দোয়া ও বিশেষ মোনাজাত অনুষ্ঠিত হবে।

দিবসটির তাৎপর্য তুলে ধরে সুবিধামত সময়ে বাংলাদেশ বেতার ও বাংলাদেশ টেলিভিশনের রাজশাহী কার্যালয় বিশেষ অনুষ্ঠানমালা প্রচার করবে এবং স্থানীয় সংবাদপত্রসমূহ বিশেষ ক্রোড়পত্র প্রকাশ করবে।

সুবিধামত সময়ে প্রাথমিক বিদ্যালয়, মাধ্যমিক বিদ্যালয়, কলেজ মাদ্রাসা, বিশ্ববিদ্যালয়সমূহ মহিলা বিষয়ক অধিদপ্তর, সমাজসেবা অধিদপ্তর, তথ্য ও গণযোগাযোগ অধিদপ্তরের, ইসলামিক ফাউন্ডেশন এবং উপজেলা প্রশাসন জাতীয় কর্মসূচির সাথে সামঞ্জস্য রেখে স্ব-স্ব কর্মসূচি প্রণয়ন ও বাস্তবায়ন করবেন।

বিভিন্ন শিক্ষা প্রতিষ্ঠান সুবিধামত সময়ে জাতীয় শোক দিবসের সঙ্গে সঙ্গতিপূর্ণ আলোচনা সভা, কবিতা পাঠ, রচনা ও চিত্রাঙ্কন প্রতিযোগিতা, চিত্র প্রদর্শনী, বঙ্গবন্ধু জীবনভিত্তিক বক্তৃতা, হাম-নাত প্রতিযোগিতা এবং দোয়া মাহফিলের আয়োজন করবেন।

এদিন মহানগরীর গুরুত্বপূর্ণ মোড়গুলোতে বঙ্গবন্ধুর জীবনীর উপর প্রামাণ্য চিত্র প্রদর্শন ও ডিজিটাল বা ইলেক্ট্রনিক বিলবোর্ডের মাধ্যমে জাতীয় শোক দিবসের কর্মসূচি প্রচার করা হবে।

এছাড়া বিভিন্ন প্রতিষ্ঠান জাতীয় কর্মসূচির সঙ্গে সামঞ্জস্য রেখে স্ব-স্ব প্রণয়ন ও বাস্তবায়ন করবে।#

.....
তৌহিদ/রুহুল/হালিম/২০২২/১৭.০০ঘ.

টেলিফোন : সংবাদকক্ষ : ঢাকা - ৯৫১২২৪৬, ৯৫১৪৯৮৮; চট্টগ্রাম - ০৩১-২৫২১৩৬১; খুলনা - ০৪১-৭২০৭৪৯; রাজশাহী - ০৭২১-৭৭২৩৩৯
ফ্যাক্স : ঢাকা-৯৫৪০৯৪২, ৯৫৪০০২৬, ৯৫৪০৫৫৩; চট্টগ্রাম - ৭১০১০২; খুলনা - ৭২০৮৫৩; রাজশাহী - ৭৭২৩৩৯
ই-মেইল : piddhaka@gmail.com, piddhaka@yahoo.com; ওয়েবসাইট : www.pressinform.gov.bd